

СОЛОМОНЫ ДУУН

[1]

¹Соломоны дуунуудын дуун.

Сүйт бүсгүй

—²Амныхаа үнсэлтээрээ тэр намайг үнсэг!

Учир нь чиний хайр дарснаас ч илүү.

³Чиний тос тааламжтай анхилуун үнэртэй бөгөөд
чиний нэр асгагдсан тос мэт тул
охид чамд дурлана.

⁴Өөр уруугаа намайг татаач, хамтдаа бид гүйцгээ!

Намайг хаан өөрийн танхimuудад авчрав.

Найзууд

—Бид чамаар бахдан, баярлаж,
Хайрыг чинь дарснаас илүү өргөмжилнө.
Тэдний чамайг хайлладаг нь зөв аж.

Сүйт бүсгүй

—⁵Иерусалимын охид oo!

Би Кедарын майхнууд,

Соломоны хөшиг мэт хар боловч дур булаам сайхан.

⁶Бор хэмээн намайг бүү ширтээч.

Учир нь намайг нар түлсэн юм.

Эхийн минь хөвгүүд надад уурлаж,

намайг усан үзмийн талбай арчлагч болгосон билээ.

Харин би өөрийн усан үзмийн талбайгаа арчилсангүй.

⁷Сэтгэлийн минь дурлалт чи, надад хэлээч.

Сүргээ чи хаана бэлчээж,

жин үдэд чи түүнийгээ хаана хэвтүүлнэ вэ?

Юунд би нөхдийн чинь сүргийн дэргэд гивлүүртэй эмэгтэйтэй адил байх
ёстой билээ?

Сүйт залуу

— **8** Хэрэв чи мэдэхгүй аваас, эмэгтэйчүүдийн дундах хамгийн үзэсгэлэнт гоо бүсгүй минь, сүргийн мөрөөр урагш явж, хоньчдын майхнуудын дэргэд өөрийн ишгүүдийг бэлчээ.

9 Хонгор минь, чи наддаа фараоны тэрэгнүүдийн дундах гүүтэй минь адил болой.

10 Унжлага зүүлттэй хацар чинь, шүрэн зүүлттэй хүзүү чинь дур булаам энхрий.

Найзууд

— **11** Чамд бид мөнгөн унжлагатай алтан зүүлтийг хийж өгнө.

Сүйт бүсгүй

— **12** Хаантан ширээндээ залран байхад миний сүрчигний анхилуун үнэр ханхална.

13 Хайрт минь наддаа бүх л шөнөжин хөхний минь хооронд байх миррэн багц билээ.

14 Хайрт минь наддаа Енгедийн усан үзмийн талбайнууд дахь хенна цэцгийн хонгорцог билээ.

Сүйт залуу

— **15** Хонгор минь, чи юутай үзэсгэлэнтэй вэ, юутай үзэсгэлэнтэй вэ, чи!
Тагтаа мэт нүдтэй аж чи!

Сүйт бүсгүй

— **16** Хайрт минь, чи юутай үзэсгэлэн гоо агаад дур булаам бэ!
Үнэхээр буйдан маань өтгөн сахлаг аж.

17 Байшигийн маань хөндлөвч нь хуш агаад дээвэр маань агар мод бөлгөө.

Сүйт залуу

—² Охидын дундаас миний хонгор минь өргөст ургамал дундах сараана цэцгийн адил байдаг билээ.

Сүйт бүсгүй

—³ Залуусын дундаас миний хайрт ойн дундах алимын мод адил байдаг билээ.

Түүний сүүдэрт би үлэмж таашаалыг аван суухад жимс нь ч надад чихэрлэг амттай байв.

⁴ Намайг тэрээр цайллагын танхимдаа аваачив.

Миний дээгүүрх түүний туг нь хайр юм.

⁵ Үзэмтэй боовоор намайг тэтгэн,

алимаар намайг сэргээгээч.

Учир нь би дурлалдаа шаналжээ.

⁶ Түүний зүүн гар миний толгой дор байж,

баруун гар нь намайг тэврэг.

Сүйт залуу

—⁷ Иерусалимын охид oo,
хээрийн зээр болон марлаар би та нарт тушаая.
Тааламжтай болтол хайрыг та нар бүү өдөөн бүү сэрээгтүн.

Сүйт бүсгүй

—⁸ Сонсогтун! Хайрт минь!

Харагтун, уулан дээгүүр харайсаар,
толгод дээгүүр үсэрсээр тэр ирж явна.

⁹ Миний хайрт зээр эсвэл идэр бугатай адил бөлгөө.

Харагтун, хананы маань цаанаа тэр зогсоод,
ционхоор харж, сараалжаар цухуйна.

¹⁰ Миний хайрт надад хэлэх нь

"Босоорой, хонгор минь, үзэсгэлэн гоо бүсгүй минь, хамтдаа явъя.

¹¹ Хараач, өвөл өнгөрч, бороо зогсож арилав.

¹² Газарт цэцэгс хэдийнээ ургаж,

Дуу хуурын цаг ирж, нутагт маань хүүрзгэний дуу сонсогдоно.

13 Инжрийн мод жимсээ боловсруулж,
цэцэглэж буй усан үзмийн модод анхилуун үнэрээ тараана.
Босоорой, хонгор минь, үзэсгэлэн гоо бүсгүй минь, хамтдаа явъя!" гэнэ.

14 Хадны хавцал, өгсүүр цохионы нуувчид буй тагтаахан минь ээ,
надад төрхөө үзүүлж, дуу хоолойгоо сонсгооч.
Учир нь дуу хоолой чинь амттай, төрх чинь дур булаам сайхан аж.

15 Усан үзмийн талбайг маань цэцэглэж байхад нь
сүйтгэн буй бяцхан үнэгнуудийг,
тэр үнэгнуудийг бидэнд барьж өгөөч.

16 Хайрт минь минийх бөгөөд би түүнийх билээ.
Тэрээр сүргээ сараана цэцэгсийн дунд бэлчээдэг.
17 Сэргүү татаж, сүүдэр арилах хүртэл,
хайрт минь, буцан ирж,
Бетерийн уулс дээрх ооно,
эсвэл идэр буга шиг байгаач.

[3]

Сүйт бүсгүй

1—Шөнөөс шөнөд би сэтгэлийнхээ дурлалт хүнээ орон дотроо хайна.
Түүнийгээ би хайсан боловч олсонгүй.

2"Одоо би босож, хотоор явъя.
Гудамж болон талбайгаар хэрэн,
би сэтгэлийнхээ дурлалт түүнийгээ хайх учиртай".
Түүнийгээ би хайсан боловч олсонгүй.

3Хотыг тойрдог харуулууд намайг оллоо.
"Сэтгэлийн минь дурлалт түүнийг та нар харав уу?" гэж би асуулаа.

4Тэднийг орхиод,
удахгүй сэтгэлийнхээ дурлалт түүнийгээ би оллоо.
Эхийнхээ гэрт түүнийг авчран, намайг олж тээсэн эхийнхээ өрөөнд
оруултлаа би түүнээс зуурان явуулсангүй.

Сүйт залуу

—⁵Иерусалимын охид оо,
хээрийн зээр болон марлаар би та нарт тушаая.
Тааламжтай болтол хайрыг минь та нар бүү өдөөн бүү сэрээгтүн.

Найзууд

—⁶Мирр утлага, наймаачны бүх үнэрт энгэсгийг анхилуун утаан багана
мэт
цөлөөс ирж яваа энэ юу вэ?

⁷Харагтун, энэ нь Соломоны нүүдлийн тэрэг агаад
Израилийн хүчирхэг эрчүүдээс жаран хүчирхэг эр түүнийг хүрээлэн
байна.

⁸Тэд бүгдээр илд агсдаг агаад дайнд мэргэшсэн билээ.

Шөнийн айдсаас тэд хамгаалан хүн бүр хажуудаа илдтэй аж.

⁹Соломон хаан Ливаны дүнз modoор өөртөө жууз тэрэг хийсэн билээ.

¹⁰Тэрээр дамнуургуудыг нь мөнгөөр,
түшлэгийг нь алтаар,
суудлыг нь нил ягаан бөсөөр хийсэн бөгөөд
доторхыг нь Иерусалимын охид үзэмжтэйгээр доторлосон байв.

¹¹Сионы охид оо, гарч ирэн,
хуримынх нь өдөр буюу түүний зүрхний баяр баяслын өдөр Соломон
хааныг эхийнх нь түүнд залсан титэмтэй байхыг нь үзэгтүн.

[4]

Сүйт залуу

¹Хонгор минь, чи юутай үзэсгэлэнтэй вэ,
Юутай үзэсгэлэнтэй вэ, чи!
Гивлүүрийн чинь цаадах чиний нүд тагтаа мэт,
үс чинь Гиляад уулаас уруудах ямаан сүрэг мэт ажгуу.

²Шүд чинь саяхан хяргуулан, угаагдаад гарсан
хонин сүрэг мэт аж.

Тэд бүгд ихрийг тээдэг бөгөөд тэдний дунд ганц нь ч хургаа тээгээгүй
билээ.

³Уруул чинь час улаан тууз мэт агаад ам чинь дур булаам билээ.
Гивлүүрийн чинь цаадах чиний шанаа зүсэм анар мэт ажээ.

⁴Хүзүү чинь, чулуун эгнээгээр босгосон,
дээр нь хүчирхэг эрсийн мянган бамбай өлгөөтэй Давидын цамхаг мэт
болой.

5 Хоёр хөх чинь, сараана цэцгийн дунд идээшлэх зээрийн ихэр янзага мэт аж.

6 Сэргүү татаж, сүүдэр арилах хүртэл
миррийн уул уруу, гүглийн толгод тийш би өөрийн замаа хөөн одъё.

7 Хонгор минь, чи бүхэлдээн үзэсгэлэнтэй бөгөөд
чамд ямар ч өө сэв алга.

8 Сүйт бүсгүй минь, надтай хамт Ливанаас яваач.
Надтай хамт чи Ливанаас явж,
Аманагийн оргилоос,
Сенир, Хермоны оргилоос,
Арслангийн үүрнээс,
ирвэсүүдийн уулсаас уруудан аялах болтугай.

9 Дүү минь, сүйт бүсгүй минь,
чи зүрхний минь цохилтыг түргэсгэв.
Нүднийхээ ганцхан харцаар,
хүзүүний зүүлтийхээ ганцхан эрхээр
чи зүрхний минь цохилтыг түргэсгэв.

10 Дүү минь, сүйт бүсгүй минь,
чиний хайр юутай сайхан бэ!
Чиний хайр дарснаас,
тосны чинь анхилуун үнэр бүх үнэртнүүдээс юутай илүү вэ!

11 Сүйт бүсгүй минь, чиний уруул балыг дуслуулна.
Хэлний чинь дор бал, сүү байх аж.
Хувцасны чинь анхилуун үнэр Ливаны анхилуун үнэр мэт бөлгөө.

12 Миний дүү, миний сүйт бүсгүй бол цоожлогдсон цэцэрлэг,
коожлогдсон чулуун цэцэрлэг, лацдуулсан булаг болой.

13 Чиний нахия нь анарын цэцэрлэг агаад энэ нь шилмэл жимстэй,
нардтай суулгасан хенна,

14 нард ба саффрон, годил ба шанцтай.
Мирр болон алоены хамт хамгийн
сайхан бүх үнэртэнтэй гүглийн бүх мододтой болой.

15 Чи бол цэцэрлэгийн булаг, цэнгэг усны худаг,
Ливанаас урсан гарах горхи болой.

Сүйт бүсгүй

— 16 Умардын салхи аа, босооч, өмнөдийн салхи аа, ирээч.
 Цэцэрлэгийн маань үнэрийг анхилуулан,
 үнэрийг нь тараагаач.
 Хайрт минь цэцэрлэгтээ ирж,
 шилмэл жимсийг нь идэг.

[5]

Сүйт залуу

¹—Дүү минь, сүйт бүсгүй минь, би цэцэрлэгтээ ирлээ.
 Өөрийн миррийг би анхилам үнэртнийхээ хамт цуглууллаа.
 Зөгийн сархинагаа би балтай нь хамт идлээ.
 Дарс сүүгээ ч би уулаа.
 Идэцгээ, андууд аа.
 Ууж, хөөрцгөө, амраг хайртууд аа.

Сүйт бүсгүй

— ²Би унтаж байсан боловч зүрх минь сэргүүн байв.
 Дуу чимээ!
 Хайрт минь тогшин
 "Дүү минь, хонгор минь,
 надад онгойлгооч, тагтаахан минь, төгс нэгэн минь!
 Учир нь толгой минь шүүдэрт,
 туг үс минь шөнийн чийгт норжээ" гэв.
³Би дан дээлээ тайлчихсан болохоор яаж түүнийгээ дахин өмсөх билээ?
 Би хөлөө угаачихсан болохоор хэрхэн дахин хиртүүлэх билээ?
⁴Хайрт минь түгжээ уруу гарaa сунгасанд миний сэтгэл түүн уруу
 тэмүүллээ.
⁵Хайртдаа би онгойлгоо бослоо.
 Түгжээний бариул дээр гар дээрээс минь миrr,
 хуруун дээрээс минь миррийн шингэн дусалж байв.
⁶Би хайртдаа онгойлголоо.
 Гэвч хайрт минь цааш эргэн, явчихсан байв!
 Түүнийг ярихад зүрх сэтгэл минь түүн уруу хүсэмжлэн тэмүүлэв.
 Би түүнийг хайлаа. Гэвч олсонгүй.
 Би түүнийг дуудлаа. Гэвч тэр надад хариулсангүй.
⁷Хотыг тойрох харуул намайг олов.
 Тэд намайг цохиж, шархдууллаа.

Хэрмийн манаач нар толгойн алчуурыг минь надаас авч хаяв.

8 Иерусалимын охид oo,
хэрэв та нар миний хайртыг олох аваас
түүнд та нарын хэлэх юмны талаар би та нарт тушаая.
Учир нь би дурлалдаа шаналжээ.

Найзууд

— **9** Эмэгтэйчүүдийн дотроос хамгийн үзэсгэлэнт бүсгүй,
чиний хайрт чинь ямар юм бэ?
Биднээс чиний ингэж гүйх чиний хайрт ямаршуухан хүн юм бэ?

Сүйт бүсгүй

— **10** Хайрт минь гялалзсан агаад
улаа бутарсан, арван мяангын дотроос тугаа мандуулагч нэгэн болой.
11 Түүний толгой бол алт,
цэвэр алт мэт ажээ.
Түүний туг үс буржгар агаад хэрээ мэт хархан аж.
12 Түүний нүд сүүнд угаагдсан
усны урсгалын дэргэд өөрсдийнхөө орчинд сууж буй тагтаа мэт бөлгөө.
13 Түүний хацар, амттаны цэцэрлэг мэт,
анхилуун үнэртэй өвсний хөвөө мэт болой.
Түүний уруул нь миррэн шингэнээр дусаах сараана болой.
14 Түүний гар нь молор эрдэнэ суулгасан алтан саваа агаад
Түүний бие нь биндэрияагаар доторлосон зааны ясан сийлбэр болой.
15 Түүний хөл нь шижир алтан сууринд суулгасан гантиган баганууд мэт
агаад
Түүний төрх байдал нь Ливантай адил, хуш мэт шилдэг ажгуу.
16 Түүний ам амттанаар дүүрэн бөгөөд
тэрээр бүхлээрээ хүсэмжлүүштэй болой.
Иерусалимын охид oo,
энэ бол миний хайрт минь, энэ бол миний анд.

[6]

1 Эмэгтэйчүүдийн дотроос хамгийн үзэсгэлэнт бүсгүй,
хайрт чинь хаашаа одоо вэ?
Хайрт чинь хаашаа явчихав?
Хамтдаа түүнийг хайцгаая.

Сүйт бүсгүй

— ²Миний хайрт минь цэцэрлэг уруугаа,
амттаны мандал уруу,
цэцэрлэгт сүргээ бэлчээж,
сараана цэцэгс түүхээр явсан билээ.

³Би өөрийнхөө хайртынх бөгөөд хайрт минь ч минийх болой.
Тэрээр сүргээ сараана цэцэгсийн дунд бэлчээдэг билээ.

Сүйт залуу

— ⁴Хонгор минь, чи Тирза шиг үзэсгэлэнтэй,
Иерусалим шиг дур булаам,
тугт цэргүүд шиг айdas төрүүлэм аж.

⁵Нүд чинь намайг сандаргасан тул харцаа надаас холдуулаач.
Үс чинь Гилеадаас уруудах ямаан сүрэг мэт болой.

⁶Шүд чинь саяхан хяргуулан, угаагдаад гарсан,
бүгд ихрийг тээн ганц нь ч хургаа тээгээгүй хонин сүрэг мэт аж.

⁷Гивлүүрийн чинь цаадах чиний шанаа зүсэм анар мэт билээ.

⁸Жаран хатан болон наян татвар эмс,
мөн тоо томшгүй шивэгчид байдаг хэдий ч

⁹Миний тагтаахан миний төгс нэгэн бол хосгүй болой.
Тэр бол эхийнхээ ганц охин нь билээ.
Тэр бол өөрийг нь төрүүлсэн нэгний цэвэр ариун хүүхэд болой.
Охид түүнийг хараад, түүнийг ерөөгдсөн хэмээн дуудна.
Хатад болоод татвар эмс ч мөн түүнийг магтан

¹⁰"Үүрийн туяа мэт өссөн, тэргэл саран мэт үзэсгэлэнтэй,
наран мэт цэвэр, тугт цэргүүд мэт айdas төрүүлэм энэ хэн бэ?" гэнэ.

¹¹Хөндий ногоорохыг харахаар,
усан үзмийн мод цэцэглэж,
анарын мод нахиалсан эсэхийг үзэхээр самрын модны цэцэрлэг уруу би
уруудан явлаа.

¹²Намайг мэдэхээс өмнө сэтгэл минь намайг язгууртнуудын минь
тэргэнд суулгав.

— 13 Буцаад ир, буцаад ир, Шуламмит аа!
Буцаад ир, буцаад ир, бид чамайг ширтье!

Сүйт залуу

— Маханаимын бүжгийг үзэх мэт юунд та нар Шуламмитыг ширтэнэ вэ?

[7]

- 1 Язгууртны охин минь,
шаахай доторх хөл чинь юутай үзэсгэлэнтэй вэ!
Ташааны чинь тойрог уран дархны гарын бүтээл болох эрдэнэс мэт аж.
- 2 Хүйс чинь холилдсон дарсаар хэзээ ч үл дутах хундага мэт агаад
Хэвллий чинь сараана цэцэгсээр хүрээлэгдсэн овоолсон буудай мэт
билээ.
- 3 Хоёр хөх чинь зээрийн ихэр хоёр янзага мэт аж.
- 4 Хүзүү чинь зааны ясан цамхаг мэт,
нүд чинь Бат-раббимын дааман хаалганы зэргэлдээх Хешбон дахь
цөөрөм мэт,
Хамар чинь Дамаскийн эгч харалдаах Ливаны цамхаг мэт билээ.
- 5 Толгой чинь Кармел шиг чиний дээр залрах агаад
толгойн чинь долгиолох үс нил ягаан тууз мэт юм.
Хаан долгиолох үсэнд чинь автагджээ.
- 6 Бүх гоо үзэсгэлэнтэйгээ хамт чи юутай дур булаам,
юутай үзэсгэлэнтэй вэ, хайрт минь!
- 7 Бие чинь далдуу мод мэт бөгөөд
хөх чинь түүнийг хонгорцог мэт ажгуу.
- 8 Би "Далдуу мод уруу би авирч,
жимснийх нь шилбээс барья" гэв.
Хөх чинь усан үзмийн хонгорцог мэт,
амьсгалын чинь анхилуун үнэр алтим мэт байх болтугай.
- 9 Ам чинь шилдэг дарс мэт байх болтугай.

Энэ нь нойрсож буй нэгний уруулаас зөөлнөөр урсан гарч,
миний хайртад төвөггүй хүрнэ.

Сүйт бүсгүй

— 10 Би өөрийнхөө хайртынх агаад түүний хүсэл нь миний төлөө юм.

11 Нааш ир, хайрт минь,
хамтдаа хөдөө явцгааж,
шөнийг хоёулаа тосгон өнгөрье.

12 Эртхэн хоёулаа босоод,
усан үзмийн талбай уруу явцгаая.

Усан үзмийн мод гөлгөлсөн эсэхийг, цоморлигоо нээсэн эсэхийг,
мөн анарын мод цэцэглэсэн эсэхийг хоёулаа үзэцгээе.

Тэнд би чамд янаг хайраа өгье.

13 Мандрагор жимс үнэрээ анхилуулна.

Үүдэн дээр маань шинэ ба хуучин шилмэл бүх жимс байна.

Хайрт минь, би үүнийг чинийхээ төлөө хураан хадгалсан билээ.

[8]

1 Θө, чи минь наддаа, хэрэв эхийн минь хөхөөр тэжээгдсэн ах шиг чинь
байсан бол,

Чамтай би гадаа таарвал би чамайг үнсэхсэн.

Хэн ч намайг жигшихгүй байхсан.

2 Чамайг би хөтлөөд,

намайг сургагч эхийнхээ гэрт оруулах байхсан.

Чамд би уулгах гэж өөрийн анарын шүүснээс гарсан амтат дарсыг өгөх
байсан.

3 Түүний зүүн гар нь толгой дор минь байж,

баруун гар нь намайг тэврэг.

Сүйт залуу

— **4** Иерусалимын охид оо, би та нарт тушаая.

Тааламжтай болтол хайрыг та нар бүү өдөөн, бүү сэрээгтүн.

Найзүүд

— **5** Хайртыгаа түшсээр цөлөөс ирэгч энэ хэн юм бэ?

Сүйт залуу

— Алимын модон дор би чамайг сэрээлээ.

Тэнд чамайг эх чинь төрүүлэх гэж өвдөж байсан бөгөөд
тэнд тэрээр төрүүлэх гэж өвдөж, чамайг төрүүлсэн билээ.

6 Зүрхэндээ намайг тамга мэт,

гар дээрээ намайг тамга мэт тавь.
 Учир нь хайр бол үхэл мэт хүчтэй,
 хардалт бол Үхэгсдийн орон мэт хатуу ширүүн билээ.
 Түүний гялбаа нь галын гялбаа агаад ЭЗЭНий дөл билээ.

⁷ Их ус хайрыг унтрааж үл чадна.
 Гол ч түүнийг хальж үл чадна.
 Хүн гэрийнхээ бүх баялгийг хайрын төлөө өгөх байсан ч,
 энэ нь басамжлагдах нь гарцаагүй»

Найзүүд

— ⁸ Бид бяцхан охин дүүтэй агаад
 түүнд хөх байхгүй билээ.
 Түүний тухай яригдах өдөр бид түүний төлөө юу хийх вэ?
⁹ Хэрэв тэрээр хана бол бид түүний дээр мөнгөн цайз босгоно.
 Хэрэв тэрээр хаалга бол бид түүнийг хушин банзаар халхална.

Сүйт бүсгүй

— ¹⁰ Би бол хана байсан, хөх минь ч цамхаг мэт байсан.
 Тэгээд би түүний нүдэнд амар амгаланг олдог нэгэн мэт байсан билээ.
¹¹ Соломон Баал-хамонд усан үзмийн тариалантай байв.
 Тэрээр усан үзмийн тариалангаа сахиулуудад хариуцуулав.
 Хүн нэг бүр үр жимснийх нь төлөө мянган мөнгөн шекелийг авчирдаг
 байв.
¹² Миний өөрийн усан үзмийн талбай өмнө минь байна.
 Мянган шекел нь Соломон танд,
 хоёр зуу нь түүний үр жимсийг нь арчлагчдад нь өгөгдөх юм.

Сүйт залуу

— ¹³ Цэцэрлэгт суугч аа,
 андууд маань дуу хоолойг чинь сонсоно.
 Надад ч мөн дуугаа сонсгооч!

Сүйт бүсгүй

— ¹⁴ Хайрт минь, түргэл,
 амттаны уулс дээрх зээр,
 эсвэл идэр буга мэт байгтун.